

Dei peremptoria statuentes. Non tamen omnes Calviniani, non Gomarus, non Valens, non Ludov. Crocius. Scholastici verò & Jesuitæ fingentes scientiam mediam Pelagianam suspensam à gratia libertati humanæ subordinata, falso nituntur principio.

§. 2. Datur enim tale futurum conditionatum scibile, quod Th. confirm. esset futurum, si hoc vel illud esset, sub hac vel illa conditione, imo & ipso actu prævisum & decretum, E. datur etiam ejus in Deo omniscio scientia. 1. Sam. 23. 12. Matth. 11. 21. Væ tibi Chorazin. Væ tibi Bethsaida. Joh. VI. 15. vid. Calov. p. 516. nostr. Phil. Theol. exh. VI. q. 12. Seheri. Syst. p. 46.

§. 3. Obj. deesse 1. *fundamentum*, quod supponeretur Object. decretum DEI conditionatum suspensum à conditione per liberum arbitrium implendum, cum omne decretum Dei sit absolutum, antecedaneum. Deesse 2. *objectum*, nullus enim datur actus, divinæ providentiæ non subjectus. Deesse 3. *certitudinem* talis scientiæ, cum omnis scientia Dei sit certa, hæc autē reddatur incerta per incertam conditionē, à qua suspendatur. Deesse 4. *multiplicandi* scientiam divinam *necessitatem*, cum omnis scientia DEI sit vel simplex vel visionis; vel naturalis vel libera, media non sit. Fingi 5. eam dependentem cum DEUS sit independens. R. ad 1. non deesse *fundamentum* & falsum est, omne decretum esse absolutum, falsum, quod ante decretum nihil possit sciri, ut futuribile. R. ad 2. Neq; deesse *objectum*, neque necesse est, eum actu futuribilem esse subjectum providentiæ, actu, cum sufficiat, subjicibilem. R. ad 3. Neque deesse *certitudinem* scientiæ, quæ datur etiam in meris contingentibus & possibilibus. R. ad 4. Negando *multiplicationem* scientiæ quæ non multiplicata dicitur, sed distincta quoad diversa objecta. R. ad 5. N. *dependentiam*.

Q. XVII. An DEVS necessariò puniat peccata? A. contra Soc. & Armin.

§. 1. Vossius, Episcopus & alii negantes justitiam Dei essen- Antith. tialem esse ejus proprietatem, statuunt nostram liberationem & remissionem peccatorum per Dei voluntatem alio modo fieri potuisse, quam per mortem, Filii cum DEUS, in pari reatu existentes, O liberè vel damnare vel Salvare possit. E.